

佛山忠義醵志

辛酉茶室修

佛
忠
義
山
心
我
心

佛山忠義鄉志二十卷之首

序文一

昔在光緒之三十有一年歲次乙巳廷議預備立憲詔天下修志書時戴文誠官協揆以吾鎮鄉志自道光庚寅以後久闕未續亟應纂修函致堂局諸紳以余肩厥事屬以賑務方亟議而未行文誠薨逮民國改元粵政府踵行憲政會垣首立通志局吾鄉志亦緣是而起文誠介弟鬻天孝廉長保衛局兼辦潔淨重申前議擬以潔淨額支餘款撥充志局作開辦費余韙之會稟汪知事得批照准復聘任孝廉爲志局總理乃集大魁堂進都人士而議之僉謂志書繁重縣歷歲月方能成編局費浩大款將安出余曰善政得民財顧力行何如耳因采各志通例及時賢名論立簡章七條

即修志述義見下

期於實行僉曰善仍推余爲總纂義務所在弗敢辭

佛山忠義鄉志卷首

序文一

一

也於是分途募捐區君廉泉兄弟三君奉其先人澗東遺訓用區守德堂名義倡捐千金黃君奕南用黃祥華名義捐千金王君理卿阮君其沅各六百金傅君翼鵬招君雨田簡君照南各五百金餘自百數十金至數金不等

捐冊題名附志書後

合公款得制幣一萬員有

奇款項有着乃以良日設局於鶯岡之麓羅致諸賢同任修纂其辦事程序先採訪後撰述預刻期限滿咸願辭脩服務局中不設火食遇期食各以冊稿互相考訂用能一綫到底靡或牴牾通力合作故也餘悉照原定條議執行書成爲序其端曰志之名義備載周官故志書卽政書法度稟諸時王大意必以周公仲尼之道爲主今何時乎非共和時代乎共和者卽禮記之所謂大同也唐虞三代以來官家異局而大同則以公天下爲心賢能定於一尊選舉操之百姓正名定分而政教行焉有清俯從民願於宣統

三年改定國號合漢滿蒙回藏五大族爲大一統中華民國

詳載鄉事

志另有紀年議見下

讀第三道上諭開誠佈公情詞剴切此天下臣民所共見者也由是而天下爲公孔子志焉未逮者得見於今日誰不拭目以觀新政然猶有慮焉曰不獨親其親不獨子其子推愛之謂非執途人而父子之昆弟之夫婦之也貨不棄地力不爲已有無相通之謂非爭鬥其民而施以劫奪之政也自幼而壯而老咸遂其生殘疾無告之民皆有所養夫如是故外戶而不閉盜竊亂賊而不作是謂大同我國禮教相承一變至道不難馴而致孔子作春秋曰我欲託之空言不如見之行事之深切著明也此志之所以爲志也或曰孔子欲廣魯於天下故春秋託王焉佛山一鄉耳亦欲廣之天下乎曰觀於鄉而知王道之易易吾鄉雖小憲政所及幾於具體而微士君子得志則行其道不得志則著書立說藏之

佛山忠義鄉志卷首

序文一

二

名山傳之其人亦猶行孔子之志也是役也羣賢合力在籍人文有盧宰和進士霍筱芙馮伯緝梁伯憩孝廉分任纂修之四君者皆學有根柢通知時事族子燕穆由各學畢業官警佐嫻習部章亦與於斯選又以諮詢諮度全仗老成特設評議部以梁彥武觀察吳文鹿內翰爲主任兼總校對生員冼信符布衣孫弼宸爲分校其學擅專長足備顧問者有若陳養齋茂才精鑒古區廉泉子灌輿學士長於測繪仇景林上舍及其子曰晃以書畫家兼嫻輿地胡君軒蒞留心水利內外基圍均其經理黃竹亭待詔鄧秀山吏員辦公數十年出其簿記足資考證陳伯任知事以舊學從新政蒐輯要案多起諸集亦足備徵皆修志不可少之人才先是鑿天孝廉總理局務莫東生工部梁式庵別駕爲協理局事多倚以辦及戴孝廉歸道山厥子翊峯以編校代理局務兩協理遇事維

持深資得力採訪亦兼勸捐故事詳而款集支應容曉初文牘黃伯瀚兼庶務常川治事余亦不啻以志局自隨評議顧問勸捐各

部皆不受薪水無供給測繪一部亦情殷報效

當義五纂修各斥俸襄事余亦以所得脩俸輸作捐款

錄注明諸君子公爾忘私與國家立憲原旨相合重念志書有關

國故稽之往古按之當今之務不敢苟焉而已而非各家踴躍効

捐同人黽勉從事不克臻此值百六陽九之運正存亡絕續之秋

幾歷艱虞撰成此志殆有天幸焉於是綜其始末覲縷書之以告

我鎮後之覽者其亦有感於斯文故事志書由地方官督修本屆

修志年歷五載官經四任汪知事籌撥捐款何知事照案履行皆

有功文教張知事繼之李知事任最久職官志年代可稽保存國

粹有司之責例得備書

賜進士出身四品銜前湖南沅陵縣知縣加五級告養在籍洗竇

榦撰時年七十有五

中華民國十二年歲次癸亥長至日

序文二

粵以民國十有二年歲次癸亥佛山忠義鄉志告成總纂冼雪畊年丈以續修鄉志爲先子創辦不可無文以紀之委小子序述其事重念志書重要既經年丈與鄉前輩纂修完善小子何敢仰贊一詞惟是前人未竟之志今得觀成亦小子所當繼序不忘而不敢忽置者也因檢舊牘得先子報何縣長惕若開辦情形一扣及清摺條議所叙籌畫情形既詳且盡用敢敬謹排次錄附本志以代序言畧曰竊佛山鄉志重修於清道光庚寅迄今又九十餘年矣感滄桑之遞變懼文獻之終湮失今不圖後將難繼前承汪前縣長函囑纂修佛山鄉志准於佛山再附加花捐項下除交清道補助費外將餘款充爲修志補助在案逮鈞台蒞任切實履行猥以不才函聘惠總理局務事關桑梓義何敢辭經集眾議僉以起

袁振墜端賴老成查有前湖南沅陵縣知縣冼紳寶榦積學有素鄉望式孚公推聘任總纂於是羣策並驚眾志成城惠復先往港地募捐得諸殷商資助籍成基礎尙須續有捐題方能集事正擬開辦間適奉令辦編查戶籍當以戶籍亦志乘所應有自可雙方並進全局通籌謹於本年五月二日在鎮內鶯岡古蹟設立局就以局中採訪員先辦編查帶辦採訪志中體例經與冼紳再三審定撮其條要布告通衢俾便舉報一面分途集捐接續編纂以免紆延歲月糜費金錢此規畫進行之大畧也伏思修志一道撰述欲其詳而期限欲其速採訪欲其博而審擇欲其嚴守土官既切提倡都人士敢辭鉛鑿昔者鄭侯收籍爰開虎觀之文謁者求書遂衍龍門之史時機適合今古奚殊尙期示我周行陳之藝極此日金鍼普度如編立政周書他年玉楮雕成卽作銘勳孔鼎茲

當開辦伊始刊用佛山志局圖記以昭信守并錄條例一摺呈候
察核准照辦理不勝感激所有局中分纂編校圖繪採訪收支各
員均於鎮中人士擇尤聘任理合將開辦志局事呈報時民國八
年三月事也何縣長覆函開來牘并清摺一扣欣悉足見貴總理
規畫周詳殊深欽佩尙望積極進行俾期早日蕙事纘先緒於往
世垂文獻於來茲有厚望焉於是部署悉定逾年先子見背諸君
以總理一席兼掌財政匪異人任委小子以編校代理局務辭不
獲乃敬謹將事幸無隕越及是書成先子未及身見豈眞善作者
不必善成乎讀遺稿不禁泫泫淚下也先子當日編查戶籍卽帶
辦採訪故費省而事集條理周密足見一班亦以實踐其寬籌儉
用之本旨故數年來局用支需皆從省儉且辦事諸公均能共體
此意以責任心從事賴得維持至終斯亦編修本志之有足紀者

至於采訪編纂校勘刊刷諸大端皆賴局中賢達相助爲理而雪
畊年丈負總纂責雖一字一句之微必再三徵核推勘務至於當
其不憚勞瘁無間寒暑四年餘如一日遂抵於成當與斯志昭垂
不朽今全書告成謹以先子原牘入志用備掌故亦足以概括創
辦時之一切規畫矣遂不辭而爲之序

南海戴曾謀謹識

脩志述義 壁帖

史通子曰史有三長曰才曰學曰識而尤以史德爲重脩志亦然章實齋文史通義爲脩志成法著有言公三篇言公卽史德也此脩志宗旨也

論語曰爲命裨諶草創之世叔討論之行人子羽脩飾之東里子產潤色之四者爲行文必歷之層級今雖無諸賢之才而文義所在不敢不勉

有萬憲堂梁氏曰脩志之要有四一體例純正二筆墨高超三格式整齊四刻印精緻四者以體例爲要筆墨視乎所造但求詞達而止格式要全志一律刻印手民容有舛誤校書如掃落葉敢謂無遺且期促文繁事後不無更定此校勘記所以待編也文史通義史注篇曰史注始自史記太史公自叙卽自注也志書

佛山忠義鄉志卷首 例言

一

例得自注其目三日凡例曰注釋曰發明發明卽按語凡例則舉一以概其餘可於初見處起例注釋則夾注正文之下務使來歷清楚以便鉤稽

嶺南冼氏宗譜序曰撰述欲其詳而期限欲其速採訪欲其博而審擇欲其嚴欲兼四善良不易爲亦勉爲其難而已

同治縣志後序曰甯詳毋略甯華毋樸過猶不及甯之一字本非中道而彼愈於此亦冀免遺佚而失之野用以備後人訂正本局勸捐冊條議曰聚人曰財理財曰義虛糜固招物議鄙吝亦難與圖成總以寬籌窄用爲良模核實循名爲主旨要在底簿與徵信冊相符此尤脩志者所當統籌兼顧也
以上七條略爲譜出卽用作例言願與同事諸君共勉焉

脩志紀年議

斷代爲史故一代自爲一史若通史則合數代爲一書有斷限無斷代史記南北史是也志書例如通史其斷代以始作志者爲始而斷限則以志書告成之日止通例也吾鄉自康熙朝始有志書斷代自洪武始明以前無可紀也撰自李閻衷茂才康熙五年成書稱康熙丙午志自是陳志脩於乾隆十七年稱乾隆壬申志吳志脩於道光十年稱道光庚寅志皆以書成之日爲斷限故夫史有斷代志則以現在時代爲斷亦事勢之不得不爾者世局遞變觀其通焉可已我國自宣統三年改國號曰中華民國以冬至後十日爲歲首行總統制宣統三年十二月二十二日上諭凡三改國號滿洲清及中華民國而立憲則自光緒朝始國體雖變憲政故在也本屆修志議者欲援斷代之例至宣統三年止未常不是而事體實在不同溯民國

佛山忠義鄉志卷首

例言

二

至今將及十稔大事正復不少若限止宣統不惟不合志例揆之人心亦復不安今北京政府史局廣東通志局皆以民國紀年屬在一隅未敢獨異惟是事貴隨時而言不盡意文字有關名教自當稟春秋五善微而顯志而晦婉而成章卓盡而不汙曲而有直體以行其直筆按民國公

式總統書名國家元首均不擡頭此尙質之義與中古合乃憲法

之善者傳曰周人以諱是周以前不諱也左傳杜注周人以諱事神句名終將諱之句頗

費解竊謂周人以諱句言諱自周始也事神名句惟事神書名卽君前臣名父前子名之義泰誓有道曾孫周王發是也大清通禮郊祀祝版直書御名爲古今通義終記曰臨文不諱在周亦然詩將諱之句謂生名死諱也此蓋周制

克昌厥後駿發爾私是也擡頭文字漢以後始繁三代上雖不可考而書動書言掌之太史必非近代起居注之比今鐘鼎古文款識具在帝王君后等字皆連文直書夏禹岫嶠碑周宣王石鼓文

尤其鑿鑿有據者禹碑在雲密峯卽岫嶠碑首句承帝日嗟帝字連文周宣王石鼓在陝西鳳翔縣孔廟君子與

上句連文榻本
流傳至今可考

由此觀之是從今卽所以復古且在立憲時代亦無所容其遷就擬卽照今式遇國號概不擡寫其事屬有清者書年號不書國號前有明後有民國比詞屬事其義自見有應書國號者祇書一字周有大賚周雖舊邦其例也惟書名不在此例

如大

清律例皇清經解皇朝
文穎昭代叢書之類

滿族爲總統例得書名則諱不必避舊文

用代字不用缺筆當仍之而去其方圍免有觸背所謂定哀之間多微詞也名臣章奏無論單擡雙擡三擡一律連文直寫鄉事志有清一代以年號紀年民國改元歲首仍注甲子黃帝以來未之有易也所紀皆鄉中大事京省事可不具錄惟民軍入境死難將官必須詳載斷始李志接道光庚寅志至書成之日止各志亦視此爲率此紀年之大略也總之史志爲天下之公言趨避乃一人之私見人心不死各有一部春秋後之視今猶今之視昔知我罪我又烏足計乎此議

佛山忠義鄉志

職名表

監修長官

汪宗準 何惺常 張國華 李寶祥

倡修紳董

戴鴻慈 駱楸勳 陳振先 梁資奎

傅秉常 吳尙廉 談道隆 陳煜庠

李曜蓉 王壽慈 陳泰階 冼寶楨

任蔭昌 戴曾諤 梁爾燦 陸頌清

盧 熙 區倬勳 黃國韜 招錫康

阮其沅 簡玉階 陳秉直 呂燦銘

蔡變垣 梁寶琛 林樹熙 何賡韶

佛山忠義鄉志卷首

職名表

一

陳尙塗

總理局務

戴鴻惠

協理局務

莫洳鉷 梁兆楨

代理總理職務 兼編校

戴曾謀

總纂

冼寶榦

纂修

盧公輔 霍偉南 馮熙猷

纂修兼督刊

梁念棠

纂修兼編校

冼瑛

評議

梁都唐

吳荃選

梁冠澄

駱毓樞

蔡光弼

顧問

陳頤元

仇清華

胡杏

黃岳筠

鄧俊德

陳樾

採訪兼勸捐

戴曾誠

林超常

梁家椒

吳寶璘

林恩海

王仲良

佛山忠義鄉志卷首

職名表

二

義務勸捐

梁國照

傅翼鵬

簡英甫

冼乃起

黃金韜

戴曾謙

容燊

孔繼猷

義務測繪

區劍光

繪圖

仇昌光

校對

冼彬

孫世俊

文牘兼採訪繪圖

黃紹麟

支應兼庶務

容炳蔚

繕書

楊鼎新

湯少碩

佛山忠義鄉志卷首

職名表

三

佛山忠義鄉志二十卷

卷首

序文 例言附

職名

目錄

圖說 十三種

佛山封域圖 邑志原本

五斗口司圖 同上

山川形勢圖 摘繪邑志

三江源委圖 鄒徵君繪

各鋪街道圖 測繪局本統一部五分五

內外基圍圖 存院圍圖參繪

旗帶水道圖 大魁堂原本

靈應祠全圖 一正面側面各

尊孔會全圖 新增

忠義學堂圖 新增即佛山學堂

佛鎮義倉圖 新增

塔坡禪寺圖 新增

鶯岡古蹟圖 新增

輿地志卷第一 分二卷

佛山忠義鄉志卷首 目錄

沿革 界至 形勢

地脈 山 川

舖 四沙附 街道 戶口附 墟市 市品別見實業志

橋梁 津渡

水利志卷第二

內涌界至 外河界至 基圍 續路附田畝附

竇 渠道 公井

潦期 潮期

建置志卷第三

內政

縣 司法 警察

團局 分局附 練館附 議會 自治會

保安局	潔淨局	消防局
水龍	水車	
軍政	游擊隊	碉樓
防軍	商團	忠義鄉團
礮臺		
交通	電政	路政
郵政		
航政		
建築		
舊衙署	舊汎卡	鄉約
賦稅志卷第四		
畝甲	稅則	雜稅
	佛山忠義鄉志卷首	目錄
		二
糧局	稅廠	
教育志卷第五	分二卷	
佛山忠義學堂	師範講習所	公立各小學
私立各小學	女學	義學
教育會	勸學分所	各國學校
學塾	書院	汾江義學
社學	詩社	
實業志卷第六		
農業		
農務分會	試驗場	田畝
		別見水利志
圍館	花園	農產
桑市	瓜菜種市	繭市

菜市

豬種市

魚市

蠶種市

蜆蠔欄

雞鴨貓狗市

魚欄

農時

工業

工藝廠

私立工廠

各行工業

製
品
附
附

商業

商會

銀行

郵政儲金局

各行商業

商
品
附
附

商報

慈善志卷第七

倉儲

善堂

醫院

育嬰

救傷會

即
紅
十
字
會

各國醫院

茶亭

石路

棲流所

佛山忠義鄉志卷首

目錄

三

義山

祠祀志卷第八

分
二
卷

官祀

靈應祠

忠義流芳祠

烈士祠

報恩祠

忠勇祠

義烈祠

民祀

尊孔會

羣廟

里社

厲壇

寺

觀

各國教堂

氏族志卷第九

氏系

遷
徙
附
附

祠堂

墳墓

舊
志

風土志卷第十

分
二
卷

四禮	鄉飲酒禮	氣候
語音	習尚	月令
古蹟	名流故宅	古塚
坊表	名勝	園林
鄉事志卷第十一		
起洪武元年	迄民國十一年	
職官志卷第十二		
清職官表		
國初駐防官	駐防同知	五斗口司巡檢
分防都司	分防千總	
民國職官表		
縣知事	審檢廳	警察正署主任官
佛山忠義鄉志卷首	目錄	四
警察 分駐所巡官	警察 游擊總隊官	
名官列傳		
同知 <small>四人</small>	巡檢 <small>四人</small>	都司 <small>一人</small>
千總 <small>一人</small>		
選舉志卷第十三		
科目		
進士	武進士	舉人
武舉人	貢生	監生 <small>舊志</small>
文學	武學	學堂畢業生
仕宦		
文職	武職	職銜
封贈	襲蔭	徵辟

人物志卷第十四 分十卷

列傳

名臣

循吏

儒林

文苑

忠義

宦蹟

武略

義行

孝友

隱逸

耆壽 表附

貨殖

藝術

流寓

方外

列女傳

賢淑

節孝

節烈

孝義

貞女

女俠

才媛

藝文志卷第十五 分三卷

佛山忠義鄉志卷首 目錄

五

經類

史類

子類

集類

總集類

金石志卷第十六

金

祠祀彝器

家藏彝器

石

鄉土碑記

家藏石刻

筠清館 三十六窗樓
寒香館

家藏法帖

通一書屋 百二漢甌吟館
道腴書屋

鄉禁志卷第十七

告示

雜志卷第十八

靈異

軼聞

古物

文餘

舊序卷第十九 連卷首爲二十卷

李志

陳志

吳志

後序

校勘記

捐冊一卷附

佛山忠義鄉志卷首 目錄

六



佛山忠義鄉志卷首一

佛山忠義鄉志卷首之一

輿地圖說

目錄

佛山封域圖

鄰堡界址

五斗司全圖

十堡

山川形勢圖

注來龍分水有

三江源委圖

地名沿革沿

各舖街道圖

統部一

內外基圍圖

存院圍

旗帶水道圖

靈應渠附

靈應祠全圖

流芳祠崇正

尊孔會全圖

繪景

忠義學堂圖

卽佛山學堂

佛鎮義倉圖

新建倉屋附

塔坡禪寺圖

卽舊制繪賜

鶯岡古蹟圖

繪景

右圖十三種屬於輿地者五曰封域曰形勢曰五斗司曰三江源委曰各舖街道屬於水利者二曰內外基圍曰旗帶水屬於教育慈善者各一曰佛山學堂曰義倉屬於祠

祀三曰靈應祠官祀 曰尊孔會民祀 曰塔坡禪寺屬於風土

者一曰鷺岡古蹟其式佛山封域圖照縣志堡圖拓大增

補五斗司圖照宣統縣志原本同治志鄒徵君伯琦繪 來龍形勢參用

治河處三角洲圖三江源委照皇輿全圖摘繪各舖街道

照測繪局佛山地理圖分為五部另立統部以便披覽內

外基圍圖參用存院圍圖及本鎮脩基公所刊本旗帶水

圖照大魁堂原刻重訂靈應祠尊孔會佛山學堂佛鎮義

倉塔坡禪寺鷺岡古蹟各圖俱照現在形式分繪鋪現皆承用字

圖各有說其詳分見各志

佛山封域圖

舊圖未立準望今照鄒特夫徵君
手定縣志堡圖拓大十分之二封
域內改佛山書院為學堂添欄樓
五座太上墟一區太乙亭一所餘
照舊志 黃伯翰繪并識



山川形勢圖



新編四川全省地圖
此圖係根據最新測量資料繪製
山川形勢最為詳盡
且附有各縣界址
及重要城市之位置
實為研究四川地理之重要參考
也
民國二十九年出版

佛山形勢龍脈圖說

佛山來龍以花縣三兜松

名土

為遠祖

三兜松以上連嶺無極

佛山龍脈即從此出

萬山

雄峻橫開大帳本龍從中出脈至上坑頭纏岡塘過連珠左分去

田心大烏石上丫髻嶺為左衛

有謂由了髻嶺出赤坭三和岡至石仔岡渡巴河上中洞嶺此說未

敢附會因此處無分水故也

右分去國泰墟至金鷄嘴為右衛本龍由連珠出

白坭墟側渡巴河上掛榜嶺直出中洞嶺至象岡為左纏成丁字

大帳本龍從掛榜嶺中腰去長旗再渡涌起虎眠岡分一支去三

水城為右纏本龍由虎眠岡經三江一帶至鳳岡渡河入縣境出

華平銀岡墟小欖墟油榨經大黃洞出大將軍至黃芝塘復開丁

字大帳從帳中隱隱出脈而渡大峽旁有將軍旗馬獅象守峽遂

上桂子岡牛牯嶺天馬山風吹羅帶起仙橋脈而上仙人嶺為少

祖由此降脈穿珠上橫枕嶺遂分兩枝一枝西行為本龍一枝南

行爲左纏護本龍由橫枕轉瀾灘石古草嶺出水山北頭陶洞察
美牛步屈底仔岡頭元岡蛤螞蝦頭淡元赤岡頭彭秀園尖頭高
岡石狗窟齊山石長岡頭朱北山仔田跌斷過脈特起鬚峯此
與花縣分二枝一枝去崩岡頭爲右纏護本龍仍由鬚峯分
鬚嶺不同出轉三桂嶺去馬尾左分一枝去圳口上埭中埭下埭轉去羅村
爲近護本龍由馬尾去馬頭落脈牽連出鎮岡霧岡趨落平陽至
沙口海濱渡海起王借山東走入大富村頭至村尾左則走大富
頂分二枝一枝上古竈一枝去朗邊至河濱作左輔右分去蓮塘
一帶爲右輔正龍自大富村尾出生村穿田渡涌上大江起獅岡
過駟馬上松岡去后底岡右抽出玉帶砂一枝回轉作迎龍復由
后底岡過茶岡左一枝去白坭張槎正龍從茶岡上鬱龍右分赤
珠蟠龍爲右迎龍左則分落張槎聚邊莊邊東便龐一帶爲左護

佛山忠義鄉志卷首一

圖 形勢

六

龍正龍從鬱龍之東南卸落平陽經楊祠後去獨棋杆起大小墩
埠去羅鄱穿田出嶺岡復起坵埕連蔓如浪湧濤奔又穿田再起
小塹數个而入聖堂鄉右出一枝去高秧地至簡村爲右送龍砂
正龍由聖堂鄉穿田渡古洛涌轉至祖廟是爲入脈之始以祖廟
爲正結鶯岡一峯在巽位相拱照天府文昌異常矜貴正埠大馬
頭爲闔鎮門戶與花縣了鬚嶺同一經線雙峯遙對兩枝仙桂秀
氣凌雲洵稱福地故自三兜松出脈而來以佛山爲正龍聚結其
走別處者皆旁衛也凡正龍行度必有旁龍爲之纏護渡河過峽
必有分水爲之明證如沙口渡河上王借山一水分去石灣一水
去疊滘落舖前一水分去佛山至正埠又渡河一水分去文昌沙
沙高荒墾去疊滘轉去蠡岡落平洲又龍脈自正埠渡河上文
分去夏濠落平洲一水分入鹽步蟾龍砥柱落東滘又茶滘渡河
去東濠坑口二十四鄉一帶一水分出花埭一水分去東滘落三
山又廣州城海珠渡海去河南一水分出花埭一水分去東滘落三
落琶洲塔一水分去洲頭嘴餘可類推諸水分合已注圖內不復

贅若論其外勢則有西淋三山林岳爲捍衛關闌左有虎頭展旗橫馬沙涌泌涌一帶作干城鎖鑰仙人起少祖於乾大夫聳文貴於巽西樵盤殿閣於坤白雲布天市於艮近則王借蟠岡爲日月之夾照石灣瀾石儼屏帳之鋪排石雲山是羅星枕水西淋山乃巨獸把關四圍鞏固氣象萬千百餘里來龍至此聚結宜乎戶口之繁物產之富聲明文物之盛聞於中外爲天下四大鎮之冠豈非有特達之遠祖磅礴之正氣相與蟠結以爲發舒者乎班史有言山東出相山西出將人傑賴乎地靈信已仇清華景林識

按地志以山川爲重禹貢導水必詳其原委導山亦然山川相輔而行故曰兩山之間必有一川易曰山下出泉是山爲水之母則山脈尤不可不詳也佛山山脈向無定論陳志以王借爲遠脈赤珠爲近脈第就近境言之吳志以

佛山忠義鄉志卷首一

圖

七

形勢

花縣丫髻嶺爲遠脈仙人嶺爲近脈輿家亦無異言考之圖經山脈渡河水必分流了髻嶺爲三兜松東出之脈佛山在其西南中有巴河相間旣無分水安能渡河上中洞嶺而來佛山耶三兜松者花縣西北大山東南諸山脈從此發源正龍自三兜松蜿蜒而抵佛山其走左右者皆衛龍也今治河處三角洲圖脈絡分明與此圖合凡正龍必有旁龍相應故有纏護迎送左右幃蓋諸名目皆自然之形勢湘水按經堂所刻禹貢山脈圖可以互證

說在輿地本志

治河處重在水利故水道特詳其分水處卽山脈渡河之處尤爲的確不易圖說實本諸此自此山脈得其真源舊志糾紛可以盡釋又正埠爲佛山門戶丫髻嶺雙峰遠朝天然位置其鎮西樵白雲其浸白鷺潭水從東南出海鐵軌

橫互西北佛山扼其中樞足資控馭粵漢幹路廣九路亦
 盡本圖而止全局星羅不嫌遠取豈可囿於闕觀兩江之
 水惟北江入佛西江自爲一道由九江出海自開思賢濬
 屬三水 溝通兩江佛山遂兼受西江水患故隄防吃重此亦
 前志所未及載者且夫國依於山川形勢所在得其遠近
 險易而預爲之備守國之道寓焉豈惟尙吉卜侈休徵供
 稽覽之資備登臨之用已哉舊有佛山形勢龍脈圖而方
 位不合水道尤略故名仍其舊而圖取其新餘分見輿地
 水利兩志





佛山忠義鄉志卷百一
 佛山忠義鄉志卷百一
 佛山忠義鄉志卷百一

圖為測繪局繪本兼收四沙外河內涌及鐵路一切
 建置無不備載街道尤詳原本一大幅以指釘不便
 微一覽志例分部立圖仍照舊擬君圖例立一統部
 只載鋪份但按界線尋其分部即得之矣
 黃伯澂繪并跋




佛山忠義鄉志卷首
四
佛山忠義鄉志卷首
圖

佛山忠義鄉志卷首二
圖

北
部
二
上
十

北
部
二






例		凡	
地界 一一一 一一一	屋頂 一一一 一一一	山頂 ○○○ ○○○	山麓 ○○○ ○○○
水溝 一一一 一一一	水渠 一一一 一一一	水田 一一一 一一一	水塘 一一一 一一一
地界 一一一 一一一	水溝 一一一 一一一	山頂 ○○○ ○○○	山麓 ○○○ ○○○

佛山忠義鄉志卷首一

佛山忠義鄉志卷首一

中節一上



中節圖一



佛山忠義鄉志卷首

佛山忠義鄉志卷首一

中邦一

中邦二

圖限於篇幅
故擬線稿寫
亦測繪通例






佛山忠義鄉志卷首

佛山忠義鄉志卷首一

圖 中部二

南圖






佛山忠義鄉志卷首


圖一

三江

十四

三江源委圖





內外基圍圖說

佛山四面距海引海爲涌東自柵下石角繞而南至石碇涌口北
自孖竇遠而西至二步橋止長二千八百四十餘丈明景泰間憑
以築柵禦賊者也北通東便龐南通簡村東便龐涌口有竇名細
竇距新涌口大竇不遠故大竇又名孖竇其實地段各別也簡村
向未築竇涌水上通羅鄱諸村近年簡村借南泉圍新築一竇名
尾竇自是佛山涌水全注本境潦至則緊閉大竇而已地勢西北
高上有存院圍無築隄之必要東南卑距海又近全恃基圍爲保
障其隄起柵下至汾水南擎後止長約二千餘丈名石角圍內分
維則永豐永安鴨沙四埠實同一圍也此內圍也外爲存院圍在
佛山西北相距甚遠西起王借山大富堡遠而北中包土爐各堡
至張槎村邊止基尾插入佛山排後竇爲北圍又自王借山以東

至石灣三間廟為南圍北圍時有崩決南圍有石灣諸岡為屏蔽故言江防者注重此圍大富堡當其要衝故又名大富圍凡脩築工程大富與附圍各堡主厥役佛山無基段責任向不派費康熙五十年蓋救鄰即以固圍不敢秦越視也此所謂外圍也統籌全局內有石角圍以捍海潮外有存院圍周環三面亦天然屏翰惟文塔脚至石碇涵口無竇名通濟海水由涌口入亦足倒灌佛山又乙卯冬存院圍大加脩築將排後竇一帶街道加高數尺新涌口大竇反成低陷亟應增築務與基平至柵下文塔與石碇文塔兩涌口則地屬鄰堡工程浩大非通力合作未易舉辦存其說以俟能者凡輿地當審遠勢基圍與山川相表裏故西盡存院圍東盡北便各圍收入圖內以資研究復作說以明之餘詳水利志

佛山忠義鄉志卷首一

圖 旗帶水

十八




謹按祠址南北長東西短社學在左忠義流芳
祠在右觀音殿又在其右故中部略寬今全間
通作長方形照比例尺求之各間之深濶面積
均按圖可索祠之沿革及其故事詳載祠祀志
官祀類

又案此圖用英尺其比例為二百八十八分之
一八每英尺合營造尺九寸五分有奇」

製版者香港禮頓山道冠興電版印務局

會孔國圖



謹按佛山學堂係由地方公建舊為佛山書院故稱佛山學堂其制略倣中等學校初設兩等小學後改師範講習所近年改設初等小學扁額屢易今以佛山為忠義鄉定名為佛山忠義學堂將來或擴充或附設不毀舊額但用門條標榜可矣舊制形式略具自改縣立高等小學校校長黃德中以小學生不入堂食宿將膳堂住齋拆去而有基勿壞故仍照舊址繪成此圖圖長方形與靈應祠同建設原委詳教育志本條

又案此圖用英尺其比例為二百四十分之一（每英尺合營造尺九寸五分有奇）

製版者香港禮頓山道冠興電版印務局


佛山忠義鄉志卷首一


學堂

一二十三

塔坡寺

塔坡禪寺圖






佛山忠義鄉志卷首一

圖 塔坡寺 一二十四

塔坡禪寺說

昔東晉時我鎮塔坡岡上夜間輒放奇光居民羣相駭詫疑此岡必有寶物掘土察之以覘其異得古銅佛三尊他無所有於是就地建寺虔伸供奉名塔坡寺以銅佛為鎮中最初古蹟故名曰佛山鎮寺前有唐貞觀石榜在焉嗣時代久遠塔坡一帶盡成闌闌之場市廛櫛比囂塵湫隘遷地為良爰移佛像於醫靈舖萬壽坊前崇建琳宮以昭隆重此間林木蓊鬱池沼田疇一望無際遠山浮翠出於林表復蘊藉宜人地極清幽洵空王之妙境也歷唐五代宋元明清已將千載向本相安逮咸豐甲寅紅匪陳開作亂寺被焚毀片瓦不存僅餘鐵塔與古佛像三尊無恙香煙間寂卅有餘年迨光緒中華林住持勤安法師募款重興增其式廓較諸昔日輪奐有加除大殿塔殿方丈客堂外餘如祖堂藏經樓供鉢樓

諸座落皆勤安購地添建至藜照堂則香山劉太守光廉捐貲所
築奉其先世神主附託該寺代理香火者適落成後恭遇慈禧皇
太后六旬萬壽勤安人都隨僧錄司祝嘏將寺原委詳呈內府大
臣請給藏經還鎮山門福錕相國據情代奏奉上俞允特賜名曰
萬壽塔坡禪寺命南書房恭書額字頒發并賜龍繖龍扇龍旂暨
藏香等珍物誠一時之曠典也今修鄉志繪圖注說昭示後人俾
知佛山得名其來有自



以上各種圖說封域形勢街道三江基圍尊孔會鶯岡俱
用電版餘六種用木版圖各一版照鄒徵君縣志圖式在
書軌內起線若兩版同作一開照陽湖李氏平排法圖背
留邊裝線以昭齊整并注

